


# VISTVÆNAR BYGGINGAR

kynningarrit



# Hvað er vistvæn bygging?




Vistvæn bygging grundvallast á hugmyndafræði sjálfbærar þróunar en sjálfbær þróun leitast við að mæta þörfum samtíðarinnar án þess að skerða möguleika komandi kynslóða til að mæta sínum þörfum.

I vistvænni byggingu er á kerfisbundinn hátt leitast við að hámarka notagildi og lágmarka neikvæð umhverfisáhrif. Við hönnun vistvænna byggings eru meðal annars lögð áhersla á orkumál, efnisval, staðarval og heilsuvernd.

Nánari upplýsingar um sjálfbæra þróun:  
[www.un-documents.net/ocf-02.htm](http://www.un-documents.net/ocf-02.htm)  
<http://visindavefur.hi.is/svar.asp?id=1840>


Í upphafi er skilgreind umhverfisstefna fyrir viðkomandi byggingu og ákváðanir teknar um þá þætti sem leggja skal áherslu á við hönnunina og hvort farið er í vottunarferli.



Vistvænni nálgun er unnt að beita hvort sem er um að ræða hátæknibyggingsar með umfangsmiklum tæknikerfum eða einfaldar byggingsar úr staðbundnum náttúrulegum byggingarefnum.

Á vegum FSR eru nú eftirfarandi byggingsar á hönnunar- eða byggingarstigi sem hafa farið í gegnum sérstakt hönnunarferli fyrir vistvænar byggingsar og verða vottaðar sem sílkar:

- Þjóðgarðsmiðstöð á Hellissandi
- Hús íslenskra fræða
- Gestastofa Vatnajökulsþjóðgarðs á Skriðuklaustri




Gestastofa Vatnajökulsþjóðgarðs á Skriðuklaustri

**Sesseljuhús**, umhverfissetur á Sólheimum, var tekið í notkun árið 2002 en það var hannað með sjálfbæra þróun að leiðarljósi. Markmið með setrinu er að vera í fararbroddi í fræðslu um sjálfbæra þróun með áherslu á vistvænar byggingsar og endurnýjanlega orkugjafa.

[www.sesseljuhus.is](http://www.sesseljuhus.is)



Sesseljuhús, umhverfissetur á Sólheimum



**Vistferill byggingar** (e. Life Cycle) er heildarferill byggingar frá framkvæmd til niðurrifs.

umhverfisáhrifin verða og hvernig megi haga hönnun þannig að þau verði í lágmarki.

**Vistferilsgreining** (e. Life Cycle Assessment, LCA) er aðferðarfraeði sem notuð er til þess að meta umhverfisáhrif vörur, framleiðsluferils eða þjónustu. Markmiðið með LCA er að meta hvar í ferlinum mestu neikvæðu

Aðferðin gefur tölulegar upplýsingar um umhverfisáhrif og notkun auðlinda sem nýtast til ákváðanatökum við val á mismunandi valkostum.

[www.lcacenter.org](http://www.lcacenter.org)  
[www.lcacenter.dk](http://www.lcacenter.dk)

### Grænt bókhald

Í sinni einföldustu mynd má líta á grænt bókhald sem efnisbókhald. Þar er haldið utan um magnþöldur mikilvægra hráefna, úrgangs og mengunarefna. Niðurstöður eru settar fram í ársskýrslu.

[www.ust.is/media/fraedslefni/graeント\\_bokhald.pdf](http://www.ust.is/media/fraedslefni/graeント_bokhald.pdf)





# Til hvers að byggja vistvænt?

## Umhverfislegur hvati

Byggingariðnaðurinn er talinn ábyrgur fyrir um 40% af orku- og hráefnanotkun í Evrópu. Umhverfisáhrif hans vegna framkvæmda, reksturs og niðurrifs eru því umtalsverð. Með vistvænni nálgun má skilvirkт stuðla að minni neikvæðum umhverfisáhrifum.

## Áætlaður forði jarðar af mismunandi málum

Københavns kommune, 2005	Málmur jarðar	Forði (ár)
Ál	196-225	
Blý	20	
Járn/Stál	118-120	
Kopar	26-36	
Króm	273	
Kvikasilfur	67	
Nikkel	40-53	
Tin	27	
Zink	25-35	

Notkun hættulegra efna er umtalsverð og byggingaráurgangur er að jafnaði stærsti úrgangsflokkurinn. Mikilvægt er að huga að því hvernig hægt er að draga úr úrgangsmeyndun á framkvæmdartíma með því að velja byggingarefni sem auðveldlega má endurnýta og endurvinna.

## Vistferilskostnaður

Vistferilskostnaður (e. Life Cycle Cost, LCC) tekur tillit til alls kostnaðar á vistferli voru, þjónustu eða byggingar.

Hagkvæmustu kaup byggjast ekki alltaf á lægsta verði. Mikilvægt er að kanna vistferilskostnað og bera saman valkostu með tilliti til hans.

## Fjárhagslegur hvati

Vistvæn bygging bætir ímynd eigandans og allra sem að verkefninu koma.

Á undanförnum árum hefur færst í vöxt að reikna út vistferilskostnað bygginga. Í Evrópu hefur verið áætlað að rekstrarkostnaður sé um fimmfaldur byggingarkostnaður og að hönnunarkostnaður sé um 10%. Það skiptir því verulegu máli að huga að því strax við hönnun að lágmarka rekstrarkostnað.



Reynsla erlendis sýnir að vistvænar byggingar verða verðmætari en aðrar byggingar vegna góðrar ímyndar, heilsusamlegs umhverfis og minni rekstrarkostnaðar.

## Heilsufarslegur hvati

Aukin áhersla er á heilnæmt umhverfi og þar með minni notkun eiturefna og hættulegra efna í byggingarvörum.

Losun skaðlegra efna í byggingum geta valdið ofnæmi, höfuðverk, streitu og almennri vanlíðan. Gott umhverfi og vellíðan á vinnustað auka afköst folks og stuðla að auknu heilbrigði.

Við efnisval þarf að bera saman áhrif á ytra umhverfi (náttúru), vinnuumhverfi (framkvæmd) og innra umhverfi (heilsu notanda).



Ef hönnun byggingarinnar leiðir til 5% aukinna afkasta hjá starfsfólk í myndi framkvæmdarkostnaðurinn sparast tifalt.  
(Heimild: Sustainable Construction, Sandy Halliday 2008)

# Staðarval



Staðarval lóðar og staðsetning byggingar geta haft mikil áhrif á vistfræðilegt gildi umhverfisins. Hægt er að draga verulega úr þörf á notkun einkabílsins með góðu aðgengi að almenningssamgöngum og aðstöðu fyrir hjólandi og gangandi vegfarendur.

*Við staðarval þarf meðal annars að:*

Huga að staðsetningu með tilliti til búsetu og þjónustu.

Huga að tengingu byggingar við hjóla- og göngustíga.

Huga að aðgengi að almenningssamgöngum.



Huga að aðstöðu fyrir gangandi og hjólandi vegfarendur.

Huga að veðurfarsskilyrðum við fyrirkomulag húsa og skipulag lóðar.

Meta hvort á svæðinu séu vistkerfi eða minjar sem ber að vernda.

Meta hvort hægt sé að stækka græn svæði eða auka vistfræðilegan fjölbreytileika lóðar.

Gera úttekt á vistfræðilegum fjölbreytileika fyrir og eftir byggingu.



## Úttekt á vistfræðilegu gildi

Við hönnun Þjóðgarðsmiðstöðvar á Hellissandi var gerð úttekt á gróðurfari á lóð og byggingarrei. Skýrsla var gerð um vistfræðilegt gildi svæðisins og settar voru fram tillögur til þess að auka vistfræðilegt gildi samhlíða byggingu hennar.

staðsetning byggingarinnar á lóðinni og reitaskipting gróðurgreininga

Auk þess var metið hvaða svæði bæri að vernda meðan á framkvæmd stendur og hvernig ætti að ráðstafa uppgreftri til þess að lágmarka neikvæð áhrif.

Úttektin sýndi að lóðin er fullgróin og stærstur hluti hennar ber merki búsetu og ræktunar. Lóðinni er skipt upp í 7 undirsvæði til að auðvelda yfirsýn og lýsingu á gróðurfari. Í skýrslunni er farið yfir hvert svæði fyrir sig.

# Efnisval

Framboð af staðbundnum byggingarefnum úr endurnýjanlegum auðlindum eru af skornum skammti á Íslandi. Steinsteypa er mest notaða íslenska byggingarefnið en víða erlendis er steinsteypa álitin síðra byggingarefni en mörg önnur í vistvænum byggingum vegna losunar koltvíssýrings við framleiðslu sements. Það er því mikilvægt að gera heildstætt mat á því hvaða byggingarefni eru vistvæn í íslenskum byggingum.



Við efnisval þarf meðal annars að:

- Huga að forða auðlindanna.
- Lágmarka eiturefni og hættuleg efni.
- Velja umhverfisvottuð efni.
- Velja innlend efni, lágmarka flutninga.
- Velja efni með litla viðhaldsbörf og langan endingartíma.
- Velja efni sem hægt er að endurnýta.
- Velja timbur með vottun fyrir sjálfbæra skógrækt.
- Forðast að nota trjátegundir sem eru í útýmingarhættu.
- Nota vistferilsgreiningar til þess að bera saman valkosti.

## Dæmi um vistferilsgreiningu

Vistferilsgreining var gerð fyrir valkost byggingarefna fyrir dæmigerða íslenska vöruskemmu með 60 ára vistferil. Hér voru í fyrsta sinn metin umhverfisáhrif byggingar á Íslandi frá frumvinnslu hráefna fyrir allan vistferil byggingarinnar án niðurris. Skoðaðir vorum þrí mismundanir móguleikar á efnum í burðarvirki og tveir í klæðningum.

Vistferilsgreiningin sýndi að þegar neikvæð umhverfisáhrif voru metin frá „vögg til grafar“ voru þau minnir fyrir byggingu með burðarvirki úr límré og klæðningu með steinullareinangrun en mest fyrir byggingu með burðarvirki úr stáli og klæðningu með polyureþan-einangrun.

Heimild:  
Efla verkfæðistofa


Umhverfisáhrifin eru gefin upp í svokölluðum persónueiningum og jafngildir ein PE neikvæðum umhverfisáhrifum sem einn meðal Evrópubúi orsakar á einu ári.



■ Limtré með PU-einangrun  
■ Limtré með steinullareinangrun  
■ Steypt með PU-einangrun  
■ Steypt með steinullareinangrun  
■ Stál með PU-einangrun  
■ Stál með steinullareinangrun



■ Limtré með PU-einangrun  
■ Limtré með steinullareinangrun  
■ Steypt með PU-einangrun  
■ Steypt með steinullareinangrun  
■ Stál með PU-einangrun  
■ Stál með steinullareinangrun



■ Limtré með PU-einangrun  
■ Limtré með steinullareinangrun  
■ Steypt með PU-einangrun  
■ Steypt með steinullareinangrun  
■ Stál með PU-einangrun  
■ Stál með steinullareinangrun

# Framkvæmd



Mikilvægt er að lágmarka neikvæð umhverfisáhrif við byggingu mannvirkisins. Kröfur til verktaka eiga að vera vel skilgreindar í upphafi og eftirlitsaðilar eiga að sinna eftirliti með atriðum sem varða umhverfismál á sama hátt og þeim sem varða gæða- og öruggismál.

*Við framkvæmd þarf meðal annars að gera kröfur um að:*

**Verktaki hafi sett sér stefnu varðandi innkaup.**

**Verktaki setji markmið um lágmörkun notkunar orku á byggingarstað.**

**Verktaki hugi að því hvernig megi lágmarka flutninga.**


**Verktaki skilgreini aðgerðir til þess að draga úr jarðraski og vernda vistkerfi.**

**Verktaki skilgreini verklag til þess að draga úr rykmengun.**

**Vertaki skilgreini verklag til þess að koma í veg fyrir mengun af völdum olíuleka.**

**Verktaki sé með virka úrgangsstjórnun.**

**Haldin verði fræðsla fyrir starfsmenn og gesti um umhverfisstjórnun á vinnusvæðinu.**



## Mat á byggingarvörum

Í Svíþjóð hefur Kretsløpssrådet þróað staðal fyrir mat á byggingarvörum og byggt upp gagnasafn á netinu þar sem auðvelt er að nálgast umhverfisupplýsingar þeirra byggingarvara sem mest eru notaðar.

Byggingarvörur eru metnar á sjö mismunandi svíðum sem eru borin saman til að ákveða

heildarvottun: grænt, gult eða rauvt ljós.  
[www.bryggvarubedominen.se](http://www.bryggvarubedominen.se)

## Gagnasafnið PRIO

Sænska Kemikalieinspektionen hefur þróað gagnasafn á netinu, PRIO, með ítarlegum upplýsingum um hættuleg efni og í hváða vöruflokkum þau er að finna. Vefþjónustan er ókeypis og hér er hægt að finna efni eftir

vöruflokkum, heilsu- og umhverfiseiginkleikum eða tilvísunum eins og bannlistum eða alþjóðlegum bókunum.  
[www.kemi.se](http://www.kemi.se)

## REACH

Efnastofnun Evrópu birtir lista á vefsavæði sínu yfir hættuleg efni sem eru bönnuð á Evrópska efnahagssvæðinu eða ætti síður

að nota. Mjög ítarlegar upplýsingar um heilsu- og umhverfiseiginkleika efnanna er að finna á vefsavæðinu. Aðgangur að bannlistanum er gjaldfrjáls.

[www.chemsec.org/list/sin-database](http://www.chemsec.org/list/sin-database)



# Orka og vatn

Í nágrannalöndum okkar er mikil áhersla lögð á að draga úr vatns- og orkunotkun bygginga og auka notkun endurnýjanlegra orkuauðlinda í stað jarðgass og kola. Vegna endurnýjanlegrar íslenskrar orku eru gróðurhúsaáhrif íslenskra bygginga lítil en þrátt fyrir það er mikilvægt að nýta orku og vatn með skynsamlegum hætti í byggingariðnaði á Íslandi.

Við hönnun bygginga þarf meðal annars að:

Setja viðmið um hámarksorkunotkun byggingarinnar.

Auka einangrun og loftþéttleika bygginga.

Lágmarka þörf á kælingu.



Velja lausnir sem krefjast minni orku á rekstrartíma.

Leggja áherslu á notendastýringu.

Velja vatnssparandi blöndunartæki og salerni.

Huga að lausnum til þess að endurnota vatn til kælingar.

Gera ráð fyrir mælingu á notkun orku og vatns.



dæmi um orku-vottorð bygginga

## Tilskipun ESB um orkunotkun

The Energy Performance of Buildings Directive (2006) hefur það markmið að draga úr orkunotkun bygginga og takmarka losun koltvísýrings. Í Evrópu er talið að um 40% af heildarorkunotkun tengist byggingariðnaðinum. Tilskipunin hefur þó ekki tekið gildi á Íslandi (2009).

Með tilskipuninni skal orkunotkun bygginga reiknuð og vottorð gefið út um stöðu hennar og tillögur um hvernig megi draga úr orkunotkun.

Sun aðildarríki sýna bæði orkunotkun og losun gróðurhúsalofttegunda bygginga (losun CO<sub>2</sub> á hvern fermetra byggingar) á vottorðum sínum.


# Heilsa og vellíðan



Í Evrópu verja menn nálægt 90% ævinnar innandyra og því er mikilvægt að vel sé um notendur bygginga búið. Birta, gæði innilofts og hljóðvist hafa áhrif á heilsu og vellíðan og þar með lífsgæði og vinnaufköst. Upplýsingar um áhrif byggingarefna á heilsu og líðan fólks eru af skornum skammti og því brýnt að velja byggingarefni sem ekki gefa frá sér skaðleg efni. Sama gildir um val á tæknikerfum ef áhrif þeirra á líðan fólks eru óþekkt.

*Við hönnun bygginga þarf meðal annars að:*

- Hafa fyrirkomulag þannig að dagsbirta nýtist sem best.
- Hafa náttúrulega loftræsingu þegar mögulegt er.
- Leggja áherslu á góða hljóðvist.
- Forðast að nota byggingarefni sem gefa frá sér rokgjörn lifræn efnasambönd.
- Leggja áherslu á notendastýringu, til dæmis á loftræsingu og hita.
- Forðast að folk hafist við í rafsegulsviði.



## Umhverfismerkinger

Markmið umhverfismerkingsa er að auðvelda neytendum að velja vörur sem eru vistvænni en sambærilegar vörur á markaðnum. Sum umhverfismerkir votta einnig sérstaklega eiginleika vara gagnvart áhrifum á heilsu fólks.

**Svanurinn** er best þekkt umhverfismerkidóttir hér á landi. Á Íslandi er að finna um 200

vörutegundir undir þessu merki úr ýmsum vöruflokkum, til dæmis málningu, byggingsplötur og gólfefni.

Á síðari árum hefur aðilum í þjónustugreinum einnig verið gert kleift að umhverfismerkja sína þjónustu.  
[www.ust.is](http://www.ust.is)



**Blómið** er opinbert umhverfismerk Eyrópusambandsins. Í dag fást yfir 300 vörutegundir undir þessu merki á Eyrópska efnahagssvæðinu. Um er að ræða vörur innan 28 vöruflokkja, til dæmis málningu og lakk, tölvir og ljósaperur.  
[www.eco-label.com](http://www.eco-label.com)



## Forest Stewardship Council

eru alþjóðleg samtök sem votta vistvæna viðarframleiðslu og skógararfrör. Mörk önnur umhverfismerkir krefjast þess að viður í vörum, sem þau votta, uppfylli kröfur FSC.  
[www.fsc.org](http://www.fsc.org)





# Umhverfisvottun

Notkun á vottunarkerfum fyrir vistvænar byggingar hefur aukist í heiminum á undanförnum árum. Markmið með notkun þeirra er að auðvelda og samræma útfærslu vistvænna bygginga.

Fjöldi vottunarkerfa er í notkun í heiminum og eru sum kerfanna notuð á alþjóðavísu en önnur staðbundið. Hins vegar skal bent á að hægt er að nota umhverfisstefnu til að vinna markvisst með umhverfisvænar áherslur án þess að bygging verði vottuð.

Sem dæmi um þekkt vottunarkerfi eru:

**BREEAM** (Building Research Establishment Environmental Assessment Method) er matskerfi fyrir byggingar sem komið var á fót í Bretlandi árið 1990. Síðan hefur notkun þess breiðst út til annarra landa, meðal annars Íslands. Fjöldi vottana eru nú yfir 110.000 og yfir 700.000 byggingar eru í vottunarferli (2009).

Kerfið er sett upp fyrir valdar tegundir af byggingum, til dæmis skóla, skrifstofur, iðnaðarhúsnæði og verslunarhúsnæði. Einnig er boðið upp á að aðlagu kröfur fyrir aðrar gerðir af byggingum.

[www.breeam.org](http://www.breeam.org)

**Samtök um vistvænar byggingar**  
Stofnun samtaka um vistvænar byggingar viða um heim sýnir að þörf er fyrir að hafa óháðar stofnanir og þekkingarsetur starfandi sem miðla upplýsingum, veita aðstoð og stuðla að rannsóknum á svíði vistvænna hönnunar.



**World Green Building Council**  
er óháð ráð sem er stjórnæð af aðilum úr byggingariðnaðinum og hefur það að meginmarkmiði að flýta fyrir framþróun í vistvænni hönnun í byggingariðnaði í heiminum. Hlutverk ráðsins er að veita samtökum um vistvænar byggingar aðstoð og upplýsingar.

Auk þess veitir ráðið þjóðum leiðbeiningar við að stofna sambærileg samtök. WGBC var stofnað árið 2002 af samtökum 8 landa. Árið 2009 samanstendur ráðið af samtökum frá 14 löndum viða um heim, auk þess sem 7 þjóðir hafa verið samþykktar og eru að vinna að inngöngu í ráðið.

[www.worldgbc.org](http://www.worldgbc.org)

**LEED** (Leadership in Energy and Environmental Design) er bandarískt matskerfi fyrir byggingar, þróað af U.S. Green Building Council sem stofnað var árið 1998. Vottunarkerfið er notað víða utan Bandaríkjanna. LEED er byggt á hugmyndum BREEAM og er uppbygging og meginþættir svipuð.

[www.usgbc.org/leed](http://www.usgbc.org/leed)

## Svanurinn

Frá því 2005 hefur Svanurinn verið með vottun fyrir einbýlis-, rað- og parhús, sem þó er ekki einkunnakerfi. Sett eru lágmarksskilyrði og matsskilyrði í kröfunum en uppfylla þarf að lágmarki 40% matsskilyrðanna til að fá byggingu svansmerkta.

[www.svanen.nu](http://www.svanen.nu)



## Stofnun íslenskra samtaka

Undirbúningshópur vinnur (haustið 2009) að stofnun samtaka um vistvæna byggð á Íslandi og gefur Framkvæmdasýsla ríkisins þetta kynningarriti út í samstarfi við höppin.

# Upplýsingalíkön mannvirkja – BIM



Að undanförnu hefur rutt sér til rúms ný aðferðafræði við hönnun, byggingu, rekstur og viðhald mannvirkja sem nefnd er Upplýsingalíkön mannvirkja, á ensku Building Information Modeling, BIM.

Aðferðafræði BIM byggist á því að allir hlutaðeigandi aðilar verkefnis vinna í sameiginlegu upplýsingalíkani fyrir viðkomandi mannvirki. Allir aðilar vinna með rafrænar, staðlaðar og samkvæmar upplýsingar. Verktakinn nýtir líkanið á framkvæmdatímanum og við verklok er rekstraraðilanum afhent heildarlíkanið til notkunar við rekstur byggingarinnar.

Sú hugmynd, sem liggur að baki BIM, fellur einkar vel að grunnhugmyndinni sem vistvæn hönnun byggist á og liggur því beint við að þróa þessar tvær aðferðir samhlíða.




Í báðum tilfellum er lögð áhersla á markvissari vinnubrögð en áður hafa almennt verið viðhöfð á hönnunarstigi og aukið vægi er sett á fjárhagsleg og umhverfisleg viðmið. Þá er ákvárdanataktar færð framar í hönnunarferlið en upplýst ákvárdanataktar, sem tekin er á fyrstu stigum hönnunar, er afar mikilvæg við að draga úr neikvæðum umhverfisáhrifum.

Sett hefur verið í gang samstarfsverkefni nokkurra aðila í íslenskum byggingariðnaði, sem nefnt er BIM-Ísland. Nánari upplýsingar um þetta verkefni má finna á slóðinni:

[www.bim.is](http://www.bim.is)

## Leiðsöguverkefni

Á vegum FSR er í október 2009 unnið að tveimur leiðsöguverkefnum þar sem aðferðafræði BIM er fylgt. Annars vegar er um að ræða endurbryggingu gamalla húsa á Alþingisreit og hins vegar er nýbygging sem hýsa á Stofnun Árna Magnússonar í íslenskum fræðum og íslenskuskor Háskóla Íslands – í daglegu tali nefnt Hús íslenskra fræða.



Hús íslenskra fræða

**Hús íslenskra fræða** er leiðsöguverkefni á tveimur svíðum. Annars vegar er fylgt aðferðafræði BIM og hönnunin unnin í upplýsingalíkani sem verkkaupi hyggst síðan nýta áfram við framkvæmd og rekstur byggingarinnar. Hins vegar er fylgt aðferðafræði vistvænnar hönnunar.

Stefnt er að því að byggingin fái vottun sem vistvæn mannvirkjum samkvæmt alþjóðlega vottunarkerfinu BREEAM.

Líkan á stigi aðaluppráttá verður tilbúið til samþykktar í árslok 2009.

## Vistvæn stefnumótun

Flest ríki heims, þar á meðal Ísland, hafa skuldbundið sig til að stuðla að sjálfbærri þróun. *Menningarstefna í mannvirkjagerð – Stefna íslenskra stjórnvalda í byggingarlist* (2007) staðfestir að hið opinbera skuli vera í forystu á sviði sjálfbærarar þróunar. *Stefna um vistvæn innkaup ríkisins* (2009) miðar að því að við öll innkaup ríkisins sé tekið tillit til umhverfissjónarmiða jafnt sem kostnaðar og gæða við mat á hagkvæmustu kaupum.

## Útgáfa

Markmiðið með útgáfu þessa rits er að gera aðgengilegt almennt kynningarefni um vistvænar áherslur í byggingar-íðnaði. Við útgáfu ritsins naut Framkvæmdasýslan ráðgjafar verkfræðistofunnar Eflu auk þess sem undirbúningshópur að stofnun samtaka um vistvæna byggð veitti góð ráð við lokafrágang þess.



## Framkvæmdasýsla ríkisins – FSR

Hlutverk Framkvæmdasýslu ríkisins er meðal annars að vera leiðandi afl á sviði opinberra framkvæmda með það að markmiði að bæta verklag og auka skilvirkni, hagkvæmni og gæði við framkvæmdir ríkisins.

Á vegum Framkvæmdasýslunnar eru í október 2009 tvær byggingar í sérstöku hönnunarferli fyrir vistvænar byggingar og ein er komin á framkvæmdastig eftir að hafa farið í gegnum slíkt ferli.

